



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Lvstgartlein Einer Heiligen Liebe**

**Boyman, Jakob**

**Cölln, 1650**

1. Mit dem Herten durch zwölfkerley Tugenden.

**urn:nbn:de:hbz:466:1-45647**

S. I. Mit dem Herzen.

1. Durch den Glauben/ vnd sprich.  
Ich glaub / O Maria das du sehest  
ein Mutter Gottes / ein Mutter  
Jungfrau zc. vnd halte gänzlich  
für / du sehest ohn Erbsünd emp  
angen/ Heilig gebohren: habest ohn  
nige Sünd gelebt / voller Gnaden/  
unter allen gebenedeyt / Ober alle  
recht Gott erhebt. Ave.

2. Durch die Hoffnung/ vnd sprich.  
Ich hoffe/ O Maria/ durch deine  
Barmherzigkeit hilff vnd trost; durch  
deine Verdienst vnd Fürbit Gnad;  
durch deine lieb das ewige Leben. Ave.

3. Durch die Lieb selbsten/ vnd sprich.  
Ich liebe dich/ O Maria / auß  
gankem meinem Herzen / als mein

Allerliebste Mutter.

Allergroßte Wohlthäterin.

Allertrewste Beschützerin.

Vnd dir zu lieb/ liebe ich alles/ was

S. I. Mit  
dir lieb ist;

S

als



als { Keuschheit/  
Demuth/  
Abtöding/2c.

Diese meine Lieb zu probiren  
werbe mir Gnad. Ave.

4. Durch die Kindliche Forcht.

Vnd Sprich:

Ich fürchte dich O Mutter  
Forcht Maria/als meine Allerlieb-  
Mutter/vnnd will viel lieber sterben  
als dich erzürnen / lieber alles leiden  
als dich betrüben. Ave.

5. Durch die Ehrerbietigkeit.

Vnd sprich:

O Hochgeehrte Mutter / vnnd  
Jungfraw. O möcht ich doch niem-  
len etwas gedencen / reden / oder thun  
dessen ich mich für deinen Mutter-  
then keuschen / vnd Liebreichen Augen  
schämen müsse. Ave.

6. Durch die hochschätzung ihrer

vnd sprich:

Ich schätze dich / O Maria



Die allerseligste Jungfrau. 21

Ichst Gott aller lieb/Ehren / vnd  
wirdig/ vnd wünsche/ daß dich  
alle nach deiner Würde/vnd verdien  
en/Loben/Ehren/vnd lieben. Ave.

Durch offtere Gedechtnuß/vnd Be  
trachtung ihrer. Vnd sprich:

O Maria / wie kans geschehen/  
daß ich deiner jemahlen vergesse/ die  
du meiner so offt gedenckest: will mich  
fortan deiner so offt ermahnen lassen/  
so offt mir dein Bildniß vorkompt/  
so offt die Uhr schlägt/ so offt ich dei  
nen Nahm hören werde. Ave.

8. Durch die Innerliche Frewde/  
vnd Sprich:

Ich erfreue mich von Herzen/  
O Maria / das dich Gott zu seiner/  
vnd meiner Mutter erwehlet: zur ver  
walterin aller seiner Güter; zur Kö  
nigin Himmels / vnd Erden gestellet  
hat.

O laß mich dieser deiner ämpter  
geniessen. Ave.

§ 2

8. Durch



22 Die allerseeligste Jungfrau.

9. Durch ein herzliches mitleiden mit ih  
vnd sprich.

O Mutter der Schmerzen Ma  
ria / ich hab ein herzliches mitleiden  
mit dir / die du mich mit deinen  
grossen schmerzen vnter dem Cre  
geboren / Erkenne mich für ein Kind  
deiner Schmerzen. Ave.

10. Durch die Vnterthenigkeit / vnd G  
horsamb / vnd sprich.

Ich vnterwirff mich dir / O Ma  
ria / als ein Gehorsames Kindt seiner  
Mutter / vnd erbiere mich nach dem  
Exempel deines Erstgeborenen J  
zu allem deinem wolgefallen. Ave.

11. Durch die Demuth / vnd sprich.

O Königin der ehren Maria. Ich  
erkenne mich für deinen allergering  
sten / vnd vnwürdigsten diener / vnd  
achte für meine gröste ehr / dir vnd  
worffen zu sein. Ave.

12. Durch Begird / vnd verlangen nach  
jhr / vnd sprich.

O M



Die allerseeligste Jungfrau. 23

O Maria mein einzige Begird/  
vnd Verlangen / O laß mich genieß/  
in deiner gegenwart / wan ich verlaß/  
en bin: Deines Beystandts / wan ich  
in nöthen bin: Deines Liechts / wann  
ich in Finsternuß bin: Deines Trosts /  
wann ich betrübt bin. Ave.

§. II. Mit dem Munde.

Folgender gestalt.

1. Bekenne deiner Geliebten deine Sünd/  
vnd Unwürdigkeit dich zu loben / vnd  
zu preisen / vnd sprich.

O Maria mein Geliebte / aller Sün-  
der zusucht / ich bekenne mich vor dei-  
nem angesicht meiner Sünd wegen  
unwürdig zu deinem lob / vnd dienst.  
Erlange mir durch deine Fürbitt ver-  
zeihung aller meiner Sünden / vnd  
mach mich dich zu lobē würdig. Ave.

2. Lobē / vnd preise / dieselbe offtermahl/  
vnd sprich.

O lobwürdige Maria / Himmel /

F 3

vnd